

## Kas tatā ta meilē

Vuo dabā mēslējo, kas ī ta meilē  
i kāp anon atskērtē, kumet ana grīna?  
Galvuo prēsēmēnēmā plauktē diejuos  
aplinkou mona pruosenelēs šneka,  
kumet ana pasakuojē aplink sava žmuogo,  
ka dā tebmīl (jau dvēdešimti metu  
omžēna anam atilsi);  
kaži kas vėdou pliestēis jiemies,  
pradieju kaži kon suprastē:  
pamēslējau... Ka musiet tēkra meilē  
nie struošlīva, i žuodiu skūpa,  
i nariekau garsē, bat ana napraēn –  
i milēmajem mērštont palēikt gīva,  
i minties, sapnūs, atmēnēmūs metu  
metās lonkuos.

Juk anā narēk pastrajūn dēdiausiu,  
ligu lakštingala tik paprastā ana  
rieduos, i naišgondēn anuos  
bikuoks tēn vargielis, ana išturietē muok  
i daug dēdesnēs biedas.

I kon bamislīsi, kon čē bapridiesi,  
juk tēkra meilē išēn iš dūšēlēs,  
i narēk anuos spierintē aba lietintē,  
bat ana napraēn, kol gīvs esi žmuogielis.

2009